

(23 April 2022) - Sinar Harian, P15

HASiL #QuranHour cipta kejayaan

Merekodkan kehadiran tertinggi penyertaan staf, pesara LHDN

Oleh FOUZIAH AMIR

KUALA LUMPUR

Seramai 750 peserta termasuk pesara menyertai Program Pembudayaan Al-Quran: HASiL #QuranHour 2022 anjuran Lembaga Hasil Dalam Negeri Malaysia (LHDN) di Masjid Wilayah Persekutuan, Kuala Lumpur pada 20 April lalu.




SOTIMIN

Timbalan Ketua Pegawai Eksekutif Operasi Percukaianya, Datuk Dr Sotimin Muhalip berkata, tahun ini merekodkan kehadiran tertinggi pada program Ihya Ramadan tersebut.

Jelasnya, ia bagi memberi fokus kepada Keluarga LHDN untuk meluangkan masa bersama membaca dan menghayati ayat suci al-Quran.

"HASiL #QuranHour kini masuk tahun ke empat bermula 2018, mendapat kerjasama daripada Persatuan Kebajikan Islam (Perkis), rakan strategik, Yayasan Warisan Ummah Ikhlas dan Masjid Wilayah Persekutuan Kuala Lumpur. Pada tahun 2020, aktiviti bersama al-Quran tidak dapat dilaksanakan disebabkan penularan wabak Covid-19.

"Diharapkan dalam kalangan Keluarga LHDN dapat menghayati isi kandungan al-Quran dalam membentuk akhlak dan keperibadian tinggi, seterusnya melahirkan pegawai yang penuh tanggungjawab dan berjaya di dunia dan akhirat ser-



Seramai 750 peserta termasuk pesara menyertai Program Pembudayaan Al-Quran: HASiL #QuranHour 2022 anjuran LHDN.

ta membawa kecemerlangan organisasi," katanya kepada Sinar Harian pada Jumaat.

Program kerohanian tersebut dimulakan dengan acara tadarus al-Quran dan majlis khatam al-Quran.

Ia diikuti dengan HASiL #QuranHour dengan dimulakan bacaan Surah Al-Sajdah yang dibimbing oleh qari LHDN.

Sesi tadabbur bertajuk

Bahagia itu menginsafkan yang disampaikan oleh Ustaz Mohammad Rozie Mohd Rejab.

Tambah Sotimin, dua tahun kebelakangan ini, negara telah diuji dengan krisis kesihatan akibat wabak Covid-19 yang masih belum berakhir.

Jelasnya, apabila krisis ini berlaku, ia memberi impak kepada sosioekonomi dan politik negara contohnya, ramai hilang

punca pendapatan, kehilangan keluarga tersayang dan terpisah jauh di perantauan akibat wabak Covid-19.

"Tanggal 1 April lalu, pihak kerajaan mengambil langkah exit strategy sebagai pendekatan merubah fasa pandemik kepada endemik agar membolehkan kita kembali menikmati semula kehidupan hampir normal," jelas Sotimin.

UMMAHIKHLAS

SURAH AL-SAJDAH

• Dunia Berbudi & Penyayang •

WORLD
#QuranHour

...satu permulaan

24 RAMADAN 1443H / 26 APRIL 2022

SURAH
AL-SAJDAH
(SURAH KE 32)

Apa yang perlu dilakukan?

Berinteraksi bersama al-Quran dengan membaca dan mentadabbur Surah al-Sajdah. Boleh dilakukan di mana sahaja dalam dan luar negara, tanpa kos. Ikuti dari rumah atau ruang kerja masing-masing.

Ikuti siaran langsung di Tv Al-Hijrah

Ikuti dalam talian di FB Sinar Harian, QuranHour, TV AlHijrah

Solidariti bersama

Selama 1 jam World QuranHour, ambil gambar sendiri atau bersama keluarga dan rakan [jaga penjarakkan sosial] dan muat naik ke media sosial dengan tanda pagar : World#QuranHour



Bahan promo World #QuranHour:
<https://bit.ly/BAHANWQH2022>



Daftar Hotspot World #QuranHour 2022:
<https://bit.ly/REGWQH2022>

24 RAMADAN 1443H
SELASA | 26 APRIL 2022
12.00 - 1.00 TENGAH HARI
9 Keyakinan Membentuk Insan Bersujud
& 3 Mutiara Surah Al-Sajdah